

影印傷寒論

趙開美刻本

傷寒論卷第六

漢 張仲景述

晉 王叔和撰次

宋 林億校正

明 趙開美校刻

沈 琳全校

辨太陰病脉證并治第十

辨少陰病脉證并治第十一

辨厥陰病脉證并治第十二  
厥利嘔

辨太陰病脉證并治第十  
合三法方三首

太陰病脉浮可發汗宜桂枝湯第一  
五味前有三

自利不渴者屬太陰。以其藏寒故也。宜服四逆

輩第二。下有利自止一證

本太陽病。反下之。因腹滿痛。屬太陰。桂枝加芍

藥湯主之。大實痛者。桂枝加大黃湯主之。第三。

桂枝加芍藥湯五味加大黃湯六味減大黃芍藥法附。

太陰之為病。腹滿而吐。食不下。自利益甚。時腹自

痛。若下之。必胃下結。鞞。

太陰中風。四肢煩疼。陽微陰濇而長者。為欲愈。

太陰病。欲解時。從亥至丑上。

太陰病。脉浮者。可發汗。宜桂枝湯。方一。

桂枝

三兩  
去皮

芍藥

三兩

甘草

二兩  
炙

生薑

三兩  
切

大棗

十二  
枚  
擘

右五味。以水七升。煮取三升。去滓。溫服一升。須臾啜熱稀粥一升。以助藥力。溫覆取汗。

自利不渴者。屬太陰。以其藏有寒故也。當溫之。宜服四逆輩。二。

傷寒脉浮而緩。手足自溫者。繫在太陰。太陰當發身黃。若小便自利者。不能發黃。至七八日。雖暴煩下利日十餘行。必自止。以脾家實。腐穢當去故也。

桂枝加芍藥湯主之。大實痛者。桂枝加大黃湯主之。三。

桂枝加芍藥湯方

桂枝三兩。去皮。

芍藥六兩。

甘草二兩。炙。

大棗十二枚。擘。

生薑三兩。切。

右五味。以水七升。煮取三升。去滓。溫分三服。本

云。桂枝湯。今加芍藥。

桂枝加大黃湯方

桂枝三兩。去皮。

大黃二兩。

芍藥六兩。



生薑三兩切

甘草二兩炙

大棗十二枚擘

右六味以水七升煮取三升去滓温服一升日

三服

太陰為病脉弱其人續自便利設當行大黃芍藥者宜減之以其人胃氣弱易動故也下利者先煎芍藥三沸

辨少陰病脉證并治第十一合二十九首方一十九首

少陰病始得之發熱脉沈者麻黃細辛附子湯

主之第一三味前有少陰病二十證

少陰病二三日麻黃附子甘草湯微發汗第二

少陰病二三日以上心煩不得臥黃連附子湯

主之。第三。五味

少陰病。一二日口中和。其背惡寒。附子湯主之。

第四。五味

少陰病。身體痛。手足寒。骨節痛。脉沈者。附子湯

主之。第五。用前第四方

少陰病。下利便膿血者。桃花湯主之。第六。三味

少陰病。二三日至四五日。腹痛。小便不利。便膿

血者。桃花湯主之。第七。用前第六方。下有少陰病一證。

少陰病。吐利。手足逆冷。煩躁欲死者。吳茱萸湯

主之第八。四味

少陰病。下利咽痛。胃滿心煩者。豬膚湯主之。第九。三味

少陰病。二三日咽痛。與甘草湯不差。與桔梗湯。

第十。甘草湯一味。桔梗湯二味。

少陰病。咽中生瘡。不能語言。聲不出者。苦酒湯主之。第十一。三味

少陰病。咽痛。半夏散及湯主之。第十二。三味

少陰病。下利。白通湯主之。第十三。三味

少陰病。下利。脈微。與白通湯。利不止。欲逆無脈。



乾嘔者自通加猪胆湯主之第十四用前第

十三方加猪  
膽汁湯五味

少陰病至四五日腹痛小便不利四肢沈重疼

痛自下利真武湯主之第十五減法附

少陰病下利清穀裏寒外熱手足厥逆脉微欲

絕惡寒或利止脉不出通脉四逆湯主之第十

六減法附

少陰病四逆或欬或悸四逆散主之第十七減法附

減法附

少陰病下利六七日欬而嘔渴煩不得眠猪苓

湯主之第十八。五味

少陰病。二三日。口燥咽乾者。宜大承氣湯。第十  
九。四味

少陰病。自利清水。心下鞭。口乾者。宜大承氣湯。

第二十。用前第十九方

少陰病。六七日。腹滿不大便。宜大承氣湯。第二

十一。用前第十九方

少陰病。脉沈者。急溫之。宜四逆湯。第二十二。三味

少陰病。食入則吐。心中溫溫欲吐。手足寒。脉弦

遲。當溫之。宜四逆湯。第二十三。用前第二十二方。下有少陰病

少陰之為病。脉微細。但欲寐也。

少陰病。欲吐不吐。心煩但欲寐。五六日自利而渴者。屬少陰也。虛故引水自救。若小便色白者。少陰病形悉具。小便白者。以下焦虛有寒。不能制水。故令色白也。

病人脉陰陽俱緊。反汗出者。亡陽也。此屬少陰。法當咽痛而復吐利。

少陰病。欬而下利。譫語者。被火氣劫故也。小便必難。以強責少陰汗也。

少陰病。脉細沈數。病為在裏。不可發汗。

少陰病。脉微。不可發汗。亡陽故也。陽已虛。尺脉弱。濇者。復不可下之。

少陰病。脉緊。至七八日。自下利。脉暴微。手足反溫。脉緊反去者。為欲解也。雖煩下利。必自愈。

少陰病。下利。若利自止。惡寒而踈臥。手足溫者。可治。

少陰病。惡寒而踈。時自煩。欲去衣被者。可治。

少陰中風。脉陽微陰浮者。為欲愈。

少陰病。欲解時。從子至寅上。



者。至一。灸少陰七壯。

作足。

少陰病。八九日。一身手足盡熱者。以熱在膀胱。必便血也。

少陰病。但厥無汗。而強發之。必動其血。未知從何道出。或從口鼻。或從目出者。是名下厥上竭。為難治。

少陰病。惡寒身踈而利。手足逆冷者。不治。

少陰病。吐利躁煩。四逆者死。

少陰病。下利止。而頭眩。時時自冒者死。



少陰病。四逆惡寒。而身蹇。脉不至。不煩而躁者死。

一作吐利而躁逆者死

少陰病。六七日。息高者死。

少陰病。脉微細沈。但欲臥。汗出不煩。自欲吐。至五六日。自利復煩躁。不得臥寐者死。

少陰病。始得之。反發熱。脉沈者。麻黃細辛附子湯主之。方一。

麻黃

二兩去節

細辛

二兩

附子

一枚炮。去皮。破八片。

右三味。以水一斗。先煮麻黃。減二升。去上沫。內

諸藥。煮取三升。去滓。溫服一升。日三服。

少陰病得之二三日。麻黃附子甘草湯。微發汗。以  
二三日無證。故微發汗也。方二。

麻黃

二兩  
去節。

甘草

二兩  
炙。

附子

一枚  
炮。去  
皮。破  
八片。

右三味。以水七升。先煮麻黃一兩沸。去上沫。內  
諸藥。煮取三升。去滓。溫服一升。日三服。

少陰病得之二三日以上。心中煩不得臥。黃連阿  
膠湯主之。方三。

黃連

四兩

黃芩

二兩

芍藥

二兩

雞子黃

二枚

阿膠

三兩  
云三挺。

右五味。以水六升。先煮三物。取二升。去滓。內膠

烱盡。小冷。內雞子黃攪令相得。溫服七合。日三服。

少陰病。得之一二日。口中和。其背惡寒者。當灸之。附子湯主之。方四。

附子

二枚。炮去皮。破八片。

茯苓

三兩

人參

二兩

白朮

四兩

芍藥

三兩

右五味。以水八升。煮取三升。去滓。溫服一升。日三服。

少陰病。身體痛。手足寒。骨節痛。脈沈者。附子湯主

之。五。用前第四方

少陰病。下利便膿血者。桃花湯主之。方六

赤石脂

用一斤。一半全用。一半篩末。

乾薑

一兩

粳米

一升

右三味。以水七升。煮米令熟。去滓。溫服七合。內

赤石脂末方寸匕。日三服。若一服愈。餘勿服。

少陰病。二三日。至四五日。腹痛。小便不利。下利不

止。便膿血者。桃花湯主之。七

用前第六方

少陰病。下利便膿血者。可刺。

少陰病。吐利。手足逆冷。煩躁欲死者。吳茱萸湯主

之。方八。

吳茱萸

一升

人參

二兩

生薑

六兩切。